

Sunder vor dem vmbzlohen sal man geben den Abeledern von eyne Wayne j gr., als das von alders gegeben ist.

Vnnd diss lohn sol stehen uff des Rots wolgefalle. (9/2. h) 3 gr. ist noch auff heute. Das gibt aber der Weitgast.

Anno 1476 vnterm dato dem 10. Febr. h schreibt Rudolph ep. Vratisl. von gerechtikeit der Dominicaner vom Buntzlaw zu etlichen zeiten in Görlitz Beichte zu hören, dorwider der Pfarrer gehalden. Welche Dominicaner anno 1460 vnterm dato Januarij 10. \mathcal{A} sub vicario et priore Jodoco Hoffman zur Schweidnitz jr Haus vnd Hirberge in der Karpengassen, so anno 1456 den 18. Junij \mathcal{Q} vor Johannis mit der Niclasgassen vnd Vogtshofe ausgebrannt, solche Brantstadt durch ein rescriptum vbergeben. Darumb itzund vmb diese refier der Prediger Hewser etc. auffgebawet sein.

53. Vom Wege. Anno etc. lxxvj. ist der Wegk, als man gein Reichenbach zcheutt, by dem holen wege zcur Stadt gekaufft, biss an das Grebeleynn das vffgeworffen ist. Vnnd sol der Stadt ewig bleibenn. Vnnd ist gekaufft von Paul Sigmund, schauletzen, vnnd Helisschernn uff dem Newmargkte. Die Zzeit ist Hans Bebirstein Bürgermeister, vnnd Seifrid Gosswin vnd Mgr. Johann ffrauenburg Cammerer gewest.

Reichenbacher strasse erkaufft, biss hienaus da die alte Strasse vom Frawenthor durch die Salomonsgassen eintritt. Von den 2. Vorbergen, so vor Jaren der alte Hans Willer vnd Gründel zu beiden seiten hienaus gehabet.

54. Der Mönche Thorm ist dy zzeit an dy Stadt khommen: Vnnd do vor haben dy stadt en widder eyne Abegang gebawet: Vnnd der sall enen ewig zcustehenn, vnnd vonn der Stadt gehaldenn vnnd gebawet werdenn, als offte er wandelbar werde, So das sihe des gantz frey genissen vnnd gebrauchen sollenn, ane alle beswerung.

Do von sihe widder der stadt gegeben haben den Thorm.

Dy zzeit ist frater Vitus Gwardianus gewest, vnd magister Mauritius visitator. Als diss jr briff by der stadt priuilegia gelegt clerlich vnnd gantz aussweisset. Anno etc. lxxvj^o.

55. Hans von Olsnitz ist dy zzeit uff dem Slosse Lemberg gewest, vnnd von dhannen fil vnlust getribenn dy zzeit Schonberg Cuppher, Obirrudelsdorff awsgebrant, vnnd zcu Rewtenitz ouch gebrant.

Da haben sich dy Lande vnnd Manne alle gefrid, vnnd heimlich handt abgezcogenn, vnnd sy bliben vnbeschedigett.

Dess gleichen dy vonn der Zittaw mit en vnnd seinen helffern auch eyn vernehmen gehabt haben.

So das dy stadt Gorlitz vnnd jre Gütter alleyn beschediget sein wordenn, das man y zcu seyner zzeit getreulich bedencken soule.

Confoederatorum lit. ad regem Matthiam. Hanns von der Olsenitz auff Lemberg neben Hincko von Popel, Hanns Rotte, Peter Kuttener, Vlrich Aldensteter, Steffan Vchterwitz wegen einer Geltschult bey konig Matthia restirend